



বাংলাদেশ গ্যাস ফিল্ট্রেশন কোম্পানী লিমিটেড
(পেট্রোবাংলার একটি কোম্পানী)

ইলেকট্রিক্যাল মেইনটেন্যান্স বিভাগ

বিজিএফসিএল এর শূদ্ধাচার কৌশল কর্ম-পরিকল্পনা, ২০২৪-২০২৫ এর ২য় কোয়ার্টার (অক্টোবর - ডিসেম্বর, ২০২৪)-এর
অংশীজনের অংশগ্রহণে সভার কার্যবিবরণী।

সভাপতি	প্রকৌশলী মোঃ ফজলুল হক ব্যবস্থাপনা পরিচালক ও সভাপতি, নৈতিকতা কমিটি, বিজিএফসিএল
সভার তারিখ	১৮ ডিসেম্বর ২০২৪
সভার সময়	১০:৩০ ঘটিকা।
স্থান	হাইব্রিড মোড (অফলাইনে প্রধান কার্যালয়স্থ মিটিং রুম এবং অনলাইনে ভিডিও কনফারেন্স প্ল্যাটফর্ম Zoom
উপস্থিতি	রেকর্ডেড (উপস্থিতির তালিকা ও Screenshot সংযুক্ত)।

গত ১৮ ডিসেম্বর ২০২৪ তারিখ সোমবার ১০.৩০ ঘটিকায় বিজিএফসিএল এর শূদ্ধাচার কৌশল কর্ম-পরিকল্পনা, ২০২৪-২০২৫ এর ২য় কোয়ার্টার (অক্টোবর-ডিসেম্বর, ২০২৪)-এর অংশীজন (Stakeholder) এর অংশগ্রহণে সভা কমিটির সভাপতি প্রকৌশলী মোঃ ফজলুল হক, ব্যবস্থাপনা পরিচালক, বিজিএফসিএল এর সভাপতিত্বে হাইব্রিড মোড অর্থাৎ অফলাইনে প্রধান কার্যালয়স্থ মিটিং রুমে এবং অনলাইনে ভিডিও কনফারেন্স প্ল্যাটফর্ম Zoom এর মাধ্যমে অনুষ্ঠিত হয়।

সভায় বিজিএফসিএল-এর অংশীজন হিসেবে পেট্রোবাংলা ও এর আওতাধীন কোম্পানিসমূহ এবং উন্নয়ন সহযোগীবৃন্দ অফলাইন/অনলাইনে অংশগ্রহণ করেন। এছাড়া উক্ত সভায় বিজিএফসিএল এর মহাব্যবস্থাপকগণ, সংশ্লিষ্ট উপমহাব্যবস্থাপকগণ এবং বিজিএফসিএল এর বার্ষিক কর্ম-সম্পাদন চুক্তি (APA), সিটিজেন চার্টার (CC), তথ্য অধিকার (RTI) এবং অভিযোগ প্রতিকার ব্যবস্থা (GRS) এর ফোকাল পয়েন্ট/বিকল্প ফোকাল পয়েন্টগণ অংশগ্রহণ করেন। বার্ষিক কর্ম-সম্পাদন চুক্তি এবং জাতীয় শূদ্ধাচার কৌশল এর বাস্তবায়ন নির্দেশিকার আলোকে সভায় শূদ্ধাচার কৌশল ছাড়াও সিটিজেন চার্টার, অভিযোগ প্রতিকার ব্যবস্থা এবং তথ্য অধিকার এর বিষয়ে আলোচনা করা হয়।

সভাপতি সভায় উপস্থিত এবং অনলাইনে সংযুক্ত সকলকে স্বাগত জানিয়ে সভার কার্যক্রম শুরু করেন। তিনি বিজিএফসিএল-এর উন্নয়ন সহযোগী প্রতিষ্ঠানসমূহের প্রোপ্রাইটরবৃন্দসহ সকলের পারস্পরিক পরিচিতি গ্রহণ করেন এবং কষ্টস্বীকার করে সভায় উপস্থিত হওয়ায় আন্তরিক কৃতজ্ঞতা ও শুভেচ্ছা জানান। তিনি শূদ্ধাচার বিষয়ক কোম্পানির ২০২৪-২০২৫ অর্থবছরের কর্মপরিকল্পনাসহ সংশ্লিষ্ট বিষয়বলী উপস্থাপনপূর্বক সভা পরিচালনার জন্য কোম্পানির নৈতিকতা কমিটির সদস্য-সচিব ও বিজিএফসিএল এর শূদ্ধাচার কৌশল বিষয়ক ফোকাল পয়েন্ট জনাব আবদুর রাজ্জাক খান, উপমহাব্যবস্থাপক (ইলেকট্রিক্যাল মেইনটেন্যান্স)-কে অনুরোধ করেন।

সভাপতির অনুমতিক্রমে বিজিএফসিএল-এর নৈতিকতা কমিটির সদস্য-সচিব ও শূদ্ধাচার কৌশল বিষয়ক ফোকাল পয়েন্ট অংশগ্রহণকারী সকলকে শুভেচ্ছা ও অভিনন্দন জানিয়ে ২০২৪-২০২৫ অর্থ-বছরের ২য় কোয়ার্টার এর কর্মপরিকল্পনা সভায় উপস্থাপন করেন এবং এর উপর সকলের সূচিন্তিত মতামত/পরামর্শ কামনা করেন।

এ পর্যায়ে তিনি পর্যালোচনা সিটিজেন চার্টার (CC), তথ্য অধিকার (RTI) এবং অভিযোগ প্রতিকার ব্যবস্থা (GRS) বিষয়ক ফোকাল পয়েন্ট/বিকল্প ফোকাল পয়েন্টগণ-কে তাদের মূল্যবান বক্তব্য উপস্থাপনের জন্য অনুরোধ করেন।

ফোকাল পয়েন্ট, সিটিজেন চার্টার :

সিটিজেন চার্টার-এর ফোকাল পয়েন্ট কোম্পানির মহাব্যবস্থাপক (মেইনটেন্যান্স ও আইসিটি) জনাব মোঃ আমান উল্লাহ বাহার সভাকে অভিহিত করেন যে, সিটিজেন চার্টারের বাস্তবায়ন নির্দেশিকা অনুসরণে কোম্পানির সেবা গ্রহীতাদের জন্য সকল ফিল্ড/স্থাপনায় প্রয়োজনীয় তথ্য সংবলিত সিটিজেন চার্টার বোর্ড স্থাপন করা হয়েছে। এছাড়া, সিটিজেন চার্টার কর্মপরিকল্পনা ২০২৪-২০২৫ বাস্তবায়নে প্রয়োজনীয় কার্যক্রম সম্পাদন করা হচ্ছে। সেবা বিষয়ে কোন পরিবর্তন আসলে কমিটি কর্তৃক তা হালনাগাদ করা হচ্ছে এবং সভায় গৃহীত সিদ্ধান্তসমূহ বাস্তবায়নপূর্বক প্রমাণকসহ নিয়মিত প্রতিবেদন পেট্রোবাংলায় প্রেরণ করা হচ্ছে।

ফোকাল পয়েন্ট, তথ্য অধিকার :

বিজিএফসিএল এর তথ্য অধিকার (RTI) এর বিকল্প ফোকাল পয়েন্ট কর্মকর্তা জনাব এম. কে. মাসুক, উপমহাব্যবস্থাপক (কম্প্রসার মেইনটেন্যান্স)-তিতাস সভায় তথ্যের অধিকার নিশ্চিতকরণে RTI কার্যক্রম সম্পর্কে অবহিত করেন। তিনি বলেন, হালনাগাদ প্রকাশযোগ্য তথ্য স্বপ্রনোদিতভাবে কোম্পানির ওয়েবসাইটে প্রকাশ করা হয়েছে এবং তথ্য অধিকার সংক্রান্ত রিপোর্ট পেট্রোবাংলায় প্রেরণ ও বার্ষিক প্রতিবেদনে প্রকাশ সম্পন্ন হয়েছে। তিনি আরো বলেন যে, তথ্য অধিকার আইন ২০০৯ এর প্রচার ও সচেতনতা সংক্রান্ত একটি লিফলেট প্রকাশের কাজ চলমান আছে। গত ৩ মাসে তথ্য চেয়ে কোন আবেদন পড়েনি উল্লেখ করে তিনি কোন তথ্যের প্রয়োজনে তথ্য অধিকার আইন অনযায়ী আবেদন করার জন্য সকলের প্রতি আহ্বান জানান।

ফোকাল পয়েন্ট, জিআরএস :

বিজিএফসিএল এর অভিযোগ প্রতিকার ব্যবস্থা (GRS) বিষয়ক ফোকাল পয়েন্ট ও অভিযোগ নিষ্পত্তি কর্মকর্তা (অনিক) জনাব মোহাম্মদ মনিজুজ্জামান খান, উপমহাব্যবস্থাপক (বোর্ড) সভাকে অবহিত করেন যে, যে কোন ব্যক্তি/প্রতিষ্ঠান GRS সফটওয়্যারের মাধ্যমে অথবা সরাসরি অভিযোগ প্রতিকার বক্সে অভিযোগ দায়ের করতে পারেন। তিনি আরো বলেন ২০২৪-২০২৫ অর্থবছরে অদ্যাবধি ৮টি অভিযোগ পাওয়া গেছে, যার মধ্যে ৪টি অভিযোগ ইতোমধ্যে নিষ্পন্ন করা হয়েছে। তিনি জানান, GRS সংক্রান্ত মাসিক ও ত্রৈমাসিক প্রতিবেদনগুলো নিয়মিত পেট্রোবাংলায় প্রেরণ করা হচ্ছে।

অংশীজন :

পেট্রোবাংলা এবং এর অধীনস্থ কোম্পানিসমূহের প্রতিনিধিগণ সভায় অনলাইনে Zoom প্ল্যাটফর্ম-এ আলোচনায় অংশগ্রহণ করেন। পেট্রোবাংলার মহাব্যবস্থাপক (পরিকল্পনা কৌশল) ও শুদ্ধাচার কৌশল বিষয়ক ফোকাল পয়েন্ট জনাব বিশ্বজিৎ সাহা সকলের প্রতি শুভেচ্ছা ও অভিনন্দন জানিয়ে বলেন, দেশের জ্বালানি চাহিদার প্রেক্ষাপটে গ্যাস উৎপাদন বৃদ্ধিতে বিজিএফসিএল-এর অনেক কর্মপরিকল্পনা আছে। বিজিএফসিএল তার সার্বিক কার্যক্রম সফলভাবে বাস্তবায়নে সমর্থ হবে মর্মে আশাবাদ ব্যক্ত করেন।

জিটিসিএল-এর উপমহাব্যবস্থাপক (সাধারণ প্রশাসন ডিপার্টমেন্ট) ও শুদ্ধাচার কৌশল বিষয়ক ফোকাল পয়েন্ট জনাব এ. এম. বদরুল আলম সকলের প্রতি শুভেচ্ছা ও অভিনন্দন জ্ঞাপন করেন। তিনি বলেন, তিনি বলেন, এ দুই কোম্পানির মধ্যে পারস্পরিক যোগাযোগ, তথ্য আদান-প্রদান ও সহযোগিতা বিদ্যমান থাকায় আমরা উভয়েই উপকৃত হচ্ছি। বিজিএফসিএল এবং জিটিসিএল-এর মধ্যে আন্তরিক ও সৌহার্দ্যপূর্ণ সম্পর্ক রয়েছে, মর্মে তিনি উল্লেখ করেন।

বিজিএফসিএল-এর উন্নয়ন সহযোগী ১৪টি প্রতিষ্ঠানের প্রোপ্রাইটর/প্রতিনিধি অংশীজন হিসেবে সভা উপস্থিত ছিলেন। মেসার্স ট্রেড লিংক, ব্রাহ্মণবাড়িয়ার প্রোপ্রাইটর জনাব কাজী জাহাঞ্জীর সকলকে শুভেচ্ছা জানিয়ে বক্তব্য শুরু করেন। তিনি বিজিএফসিএল-এর সেবার মান সম্পর্কে সন্তোষ প্রকাশ করেন। তিনি তার দীর্ঘ বক্তব্যে ঠিকাদারী কাজ সম্পাদনের ক্ষেত্রে আর্থিক ঝুঁকি এবং বহিস্থ নানাবিধ প্রভাবের চ্যালেঞ্জ মোকাবেলা করে কোম্পানির চাহিদা ও গুরুত্ব বিবেচনায় যথাসময়ে এবং যথাযথভাবে কাজ সম্পাদনে সচেষ্ট থাকার বিষয়টি সভাকে অবহিত করেন। এ প্রেক্ষিতে তিনি বিজিএফসিএল-এর কার্যক্রম সম্পাদনকালীন ঠিকাদারদের প্রতি কোম্পানির সার্বিক সহযোগিতা প্রত্যাশা করেন। তিনি কোম্পানির কোথাও কোন ধরনের অনিয়মের মুখোমুখি হননি জানিয়ে কাজের বিল এবং নিরাপত্তা জামানত ফেরত প্রদানের সময়কাল আরো সংক্ষিপ্ত করার লক্ষ্যে দাপ্তরিক কার্যক্রম প্রক্রিয়া পর্যালোচনার জন্য অনুরোধ জানান।

মেসার্স মামুন এন্টারপ্রাইজ, ব্রাহ্মণবাড়িয়া এর প্রোপ্রাইটর জনাব কাজী হাবিবুল্লাহ আল মামুন বলেন, কেপিআই স্থাপনা হিসেবে বিজিএফসিএল-এর প্রবেশাধিকার সংরক্ষিত থাকা স্বাভাবিক। তবে, ঠিকাদারগণ কোম্পানির উন্নয়ন সহযোগী বিধায় কোম্পানির প্রধান কার্যালয়সহ বিভিন্ন ফিল্ড/স্থাপনায় প্রবেশের ক্ষেত্রে তাদের যথাযথ মর্যাদা সংরক্ষণের বিষয়ে অধিকতর সচেতনতা প্রত্যাশা করেন।

মেসার্স ইউনাইটেড বিল্ডার্স এর প্রোপ্রাইটর জনাব মোঃ মমিন মিয়া বলেন, তিনি বিজিএফসিএল এর সাথে দীর্ঘদিন ধরে কাজ করছেন। এ কোম্পানির ভিতরে কাজের পরিবেশ অত্যন্ত ভালো, আমরা কাজ করতে অনেক সুবিধা পাই এবং এখানে অলিখিত কোন কমিশন দিতে হয় না।

মেসার্স মায়ের দোয়া এন্টারপ্রাইজ, ব্রাহ্মণবাড়িয়া এর প্রোপ্রাইটর জনাব মোঃ মোশারফ হোসেন বলেন, তিনি প্রায় ২০/২৫ বছর ধরে বিজিএফসিএল-এ ঠিকাদারী কাজের সাথে জড়িত। তিনি এ রকম ভালো প্রতিষ্ঠানের সাথে কাজ করতে পেরে অত্যন্ত গর্বিত।

মেসার্স পদ্মা ট্রেডার্স এর প্রোপ্রাইটর জনাব মোঃ মেসবাহুর রহমান ভূইয়া বলেন, তিনি দীর্ঘদিন যাবৎ সুনামের সাথে এ কোম্পানিতে কাজ করে যাচ্ছেন। এ প্রতিষ্ঠানে ঠিকাদারি কাজ করে তিনি সন্তুষ্টি প্রকাশ করেন। এ প্রতিষ্ঠানে মালামাল সরবরাহ করতে তার কখনো কোন সমস্যায় পরতে হয়নি।

মেসার্স ঈশাণ এন্টারপ্রাইজ এর প্রোপ্রাইটর জনাব রাজু সরকার আলোচনায় অংশ নিয়ে বলেন, কার্যাদেশ এর বিপরীতে বিজিএফসিএল এ কাজের প্রয়োজনে মালামাল প্রবেশ করাতে গেলে অথবা অব্যবহৃত মালামাল ফেরত নেয়ার সময় নিরাপত্তা কর্মীরা সহজে রেসপন্স করে না। এ বিষয়টির সমাধানসহ তিনি সরবরাহকৃত মালামালের বিল দ্রুত পরিশোধের ব্যবস্থা করার জন্য অনুরোধ করেন।

অন্যান্য ঠিকাদারগণও বিজিএফসিএল-এ কাজ করে তাদের সন্তুষ্টি ব্যক্ত করেন এবং উল্লিখিত ঠিকাদারগণের বক্তব্যে সহমত ব্যক্ত করেন। সর্বোপরি আলোচকগণ বিএফসিএল-এর সুনাম ও ভাবমূর্তি অদ্যাবধি সংরক্ষিত থাকায় সকলের প্রতি ধন্যবাদ ও কৃতজ্ঞতা জ্ঞাপন।

সভাপতি সমাপনী বক্তব্য :

সভাপতি উন্নয়ন সহযোগীগণসহ পেট্রোবাংলা ও আওতাধীন কোম্পানিসমূহের সংশ্লিষ্ট কর্মকর্তা/প্রতিনিধিদেরকে ধৈর্য্য ধরে সংযুক্ত থাকার জন্য ধন্যবাদ জ্ঞাপন করেন। তিনি তাদের প্রতি কৃতজ্ঞতা প্রকাশ করেন এবং তাদের সুচিন্তিত মতামত/পরামর্শ বিজিএফসিএল-এর শুদ্ধাচার কার্যক্রমকে আরো সমৃদ্ধ করবে বলে তিনি আশাবাদ ব্যক্ত করেন। উন্নয়ন সহযোগীদের বক্তব্যে উঠে আসা বিল পরিশোধ ও নিরাপত্তা জামানত ফেরত প্রদানের সময়কাল দ্রুততর করা এবং কোম্পানিতে প্রবেশাধিকারের ক্ষেত্রে যথাযথ অভ্যর্থনা প্রদানের বিষয়টি গুরুত্বে সাথে গ্রহণ করেন এবং মহাব্যবস্থাপক (প্রশাসন) এবং মহাব্যবস্থাপক (অর্থ ও হিসাব)-কে প্রয়োজনীয় পদক্ষেপ গ্রহণের পরামর্শ প্রদান করেন। পরিশেষে সভাপতি সকলকে আবারো আন্তরিক ধন্যবাদ জানিয়ে সভার সমাপ্তি ঘোষণা করেন।

সকল সংযুক্তিসমূহ:

(১) Attendance Sheet



৩০-১২-২০২৪


প্রকৌশলী মোঃ ফজলুল হক
ব্যবস্থাপনা পরিচালক ও সভাপতি, নৈতিকতা
কমিটি, বিজিএফসিএল

তারিখ: ১৫ পৌষ ১৪৩১ বঙ্গাব্দ
৩০ ডিসেম্বর ২০২৪ খ্রিস্টাব্দ

নম্বর: ২৮.১০.১২১৩.৭১৬.১৪.০০৩.২৪.৩৯

বিতরণ (জ্যেষ্ঠতার ক্রমানুসারে নয়):

- ১। নৈতিকতা কমিটি, বিজিএফসিএল।
- ২। মহাব্যবস্থাপক (পরিকল্পনা কৌশল) ও ফোকাল পয়েন্ট, শুদ্ধাচার কৌশল, পেট্রোবাংলা।
- ৩। মহাব্যবস্থাপক (মেইনটেন্যান্স এন্ড আইসিটি) ও ফোকাল পয়েন্ট, সিটিজেন চার্টার, বিজিএফসিএল।
- ৪। উপমহাব্যবস্থাপক (কম্প্রেসর মেইনটেন্যান্স) ও ফোকাল পয়েন্ট, তথ্য অধিকার, বিজিএফসিএল।
- ৫। উপমহাব্যবস্থাপক (পরিকল্পনা) ও ফোকাল পয়েন্ট, বার্ষিক কর্ম-সম্পাদন চুক্তি, বিজিএফসিএল।
- ৬। উপমহাব্যবস্থাপক (বোর্ড) ও ফোকাল পয়েন্ট, অভিযোগ প্রতিকার ব্যবস্থা, বিজিএফসিএল।



৩০-১২-২০২৪

আবদুর রাজ্জাক খান
উপমহাব্যবস্থাপক (ইএমটি) ও সদস্য-সচিব,
নৈতিকতা কমিটি, বিজিএফসিএল।